



ქალაქ ფოთის მუნიციპალიტეტის საკრებულო



განკარგულება № 12/79

2023 წლის 25 ნოემბერი

ქალაქი ფოთი

ქალაქ ფოთის მუნიციპალიტეტის საკრებულოს დადგენილების პროექტის „ქალაქ ფოთის მუნიციპალიტეტის 2023 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის მერისთვის შენიშვნებით დაბრუნების თაობაზე

საკრებულო აღნიშნავს, რომ საქართველოს ორგანული კანონის „ადგილობრივი თვითმმართველობის კოდექსის“ 91-ე მუხლის, მე-4 პუნქტისა და საქართველოს საბიუჯეტო კოდექსის 78-ე მუხლის მე-3 პუნქტის შესაბამისად, ბიუჯეტის პროექტთან დაკავშირებით შენიშვნების არსებობის შემთხვევაში საკრებულო არაუგვიანეს 25 ნოემბრისა ბიუჯეტის პროექტს შენიშვნებით უბრუნებს მუნიციპალიტეტის მერს.

ქალაქ ფოთის მუნიციპალიტეტის საკრებულოს კომისიებს და ფრაქციებს დადგენილების პროექტთან „ქალაქ ფოთის მუნიციპალიტეტის 2023 წლის ბიუჯეტის დამტკიცების შესახებ“ დაკავშირებით გააჩნიათ შენიშვნები.

ამდენად, მიზანშეწონილია, ქალაქ ფოთის მუნიციპალიტეტის მერის მიერ წარმოდგენილი, საკრებულოს დადგენილების პროექტი „ქალაქ ფოთის მუნიციპალიტეტის 2023 წლის ბიუჯეტის დამტკიცების შესახებ“ შენიშვნებით დაუბრუნდეს ქალაქ ფოთის მუნიციპალიტეტის მერს.

აღნიშნულიდან გამომდინარე:

მუხლი 1.

ქალაქ ფოთის მუნიციპალიტეტის მერის მიერ წარმოდგენილი, საკრებულოს დადგენილების პროექტი „ქალაქ ფოთის მუნიციპალიტეტის 2023 წლის ბიუჯეტის დამტკიცების შესახებ“ შენიშვნებით დაუბრუნდეს ქალაქ ფოთის მუნიციპალიტეტის მერს (ქალაქ ფოთის მუნიციპალიტეტის საკრებულოს კომისიების და ფრაქციების დასკვნები თან ერთვის).

მუხლი 2.

ქალაქ ფოთის მუნიციპალიტეტის მერმა აღნიშნული განკარგულების შესრულებასთან დაკავშირებით გაატაროს შესაბამისი ღონისძიებები.

მუხლი 3.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 4.

განკარგულება ძალაშია ხელმოწერისთანავე.

საკრებულოს თავმჯდომარე



ალექსანდრე ტყეშუჩავა

ქალაქ ფოთის მუნიციპალიტეტის საკრებულო საფინანსო-საბიუჯეტო კომისია

№12/30

24.11.2022 წ.

დასკვნა

ქალაქ ფოთის მუნიციპალიტეტის საკრებულოს საფინანსო-საბიუჯეტო კომისიამ განიხილა საკრებულოს დადგენილების პროექტი „ქალაქ ფოთის მუნიციპალიტეტის 2023 წლის ბიუჯეტის დამტკიცების შესახებ“.

კომისიას წარმოდგენილ დადგენილების პროექტთან დაკავშირებით გააჩნია შენიშვნები. კერძოდ, შევიდეს შემდეგი ცვლილებები:

1. ქალაქ ფოთის მუნიციპალიტეტის 2023 წლის ბიუჯეტის შესაძლებლობების ფარგლებში უზრუნველყოფილ იქნას შშმ ქალთა და შშმ ბავშვთა დედათა ასოციაცია „დეას“ მიერ წარმოდგენილი პრობლემების გადაწყვეტა.

2. ქალაქ ფოთის მუნიციპალიტეტის საკრებულოს ხარჯები (კოდი 01 01) გაიზარდოს 168,0 ათ. ლარით და განისაზღვროს 2093,5 ათ. ლარით, აქედან:

ა) შტატგარეშე მომუშავეთა შრომის ანაზღაურება გაიზარდოს 6,0 ათ. ლარით და განისაზღვროს 327,9 ათ. ლარით;

ბ) მივლინება ქვეყნის შიგნით გაიზარდოს 5,0 ათ. ლარით და განისაზღვროს 10,0 ათ. ლარით;

გ) მივლინება ქვეყნის გარეთ გაიზარდოს 10,0 ათ. ლარით და განისაზღვროს 10,0 ათ. ლარით;

დ) გაიზარდოს ოფისის ხარჯები 49,0 ათ. ლარით და განისაზღვროს 100,0 ათ. ლარით, მათ შორის:

- ნორმატიული აქტების, საცნობარო და სპეციალური ლიტერატურის, ჟურნალ-გაზეთის შეძენის და ყველა სახის საგამომცემლო-სასტამბო (არამირითადი საქმიანობის) ხარჯები 20,0 ათ. ლარით და განისაზღვროს 38,9 ათ. ლარით;

- კავშირგაბმულობის ხარჯები 17,0 ათ. ლარით და განისაზღვროს 37,0 ათ. ლარით;

- საოფისე ინვენტარის შეძენის ხარჯები 5,0 ათ. ლარით და განისაზღვროს 10,0 ათ. ლარით;

- ოფისის ხარჯები, რომელიც არ არის კლასიფიცირებული 7,0 ათ. ლარით და განისაზღვროს 7,0 ათ. ლარით;

ე) გაიზარდოს წარმომადგენლობითი ხარჯები 5,0 ათ. ლარით და განისაზღვროს 8,0 ათ. ლარით;

ვ) გაიზარდოს ტრანსპორტის, ტექნიკისა და იარაღის ექსპლოატაციისა და მოვლა-შენახვის ხარჯები 47,0 ათ. ლარით და განისაზღვროს 147,9 ათ. ლარით, მათ შორის:

- საწვავ-საპოხი მასალების შეძენის ხარჯი გაიზარდოს 36,0 ათ. ლარით და განისაზღვროს 136,9 ათ. ლარით;

- ა/მანქანის მიმდინარე რემონტის ხარჯი გაიზარდოს 7,0 ათ. ლარით და განისაზღვროს 7,0 ათ. ლარით;

- ექსპლუატაციის, მოვლა-შენახვის და სათადარიგო ნაწილების შეძენის ხარჯები გაიზარდოს 4,0 ათ. ლარით და განისაზღვროს 4,0 ათ. ლარით.

ზ) გაიზარდოს სხვა დანარჩენი საქონელისა და მომსახურების (საარქივო მომსახურება) ხარჯები 1,0 ათ. ლარით და განისაზღვროს 1,0 ათ. ლარით;

თ) გაიზარდოს სოციალური უზრუნველყოფის ხარჯები 5,0 ათ. ლარით და განისაზღვროს 25,0 ათ. ლარით;

ი) გაიზარდოს არაფინანსური აქტივების ზრდა 40,0 ათ. ლარით და განისაზღვროს 50,0 ათ. ლარით;

აქედან გამომდინარე, კომისიას მიზანშეწონილად მიაჩნია, დადგენილების პროექტი „ქალაქ ფოთის მუნიციპალიტეტის 2023 წლის ბიუჯეტის დამტკიცების შესახებ“ დაუბრუნდეს ქალაქ ფოთის მუნიციპალიტეტის მერს, აღნიშნული შენიშვნებისა და საკრებულოს კომისიებიდან და ფრაქციებიდან შემოსული შენიშვნა-რეკომენდაციების გათვალისწინებით (თან ერთვის).

კომისიის თავმჯდომარის
მოვალეობის შემსრულებელი



ოლეგი ნაჭყებია

საქართველო

ქალაქ ფოთის მუნიციპალიტეტის საკრებულო სივრცით-ტერიტორიული დაგეგმარების და ინფრასტრუქტურის კომისია

№10/21

24 ნოემბერი 2022 წელი

დასკვნა

ქალაქ ფოთის მუნიციპალიტეტის საკრებულოს სივრცით-ტერიტორიული დაგეგმარებისა და ინფრასტრუქტურის კომისიამ განიხილა საკრებულოს დადგენილების პროექტი „ქალაქ ფოთის მუნიციპალიტეტის 2023 წლის ბიუჯეტის დამტკიცების შესახებ“.

კომისიას დადგენილების პროექტთან გააჩნია შემდეგი შენიშვნები, კერძოდ:

1. (0201) - საგზაო ინფრასტრუქტურის განვითარება 2023 წლისათვის პროექტით შეადგენს 583,3 ათ. ლარს. ეს მუხლი ითვალისწინებს გზების მიმდინარე შეკეთებას - 100,0 ათ. ლარით რაც არასაკმარისია და უნდა გაიზარდოს 350,0 ათ. ლარამდე.
2. საცხოვრებელი მრავალსართულიანი სახლების საკანალიზაციო ქსელის მოწყობა და სარდაფების მოხრეშვა 2023 წლის ბიუჯეტის პროექტში გათვალისწინებული არ არის. ამ მიმართულებით საჭიროა 300-450 ათ. ლარი.
3. 0204 - ბინათმშენებლობა. - მ/საცხოვრებელი სახლების ლიფტების რეაბილიტაცია-ექსპლუატაციაზე პროექტით გათვალისწინებულია 200,0 ათ. ლარი. სასწრაფო შეცვლას საჭიროებს 10-მდე ლიფტი, რისთვისაც საჭიროა დაახლოებით 300,0 ათ. ლარამდე.
4. 0206 - კეთილმოწყობის ღონისძიების ხარჯები პროექტით გათვალისწინებულია 345,0 ათ. ლარი. ამ მუხლში გათვალისწინებულია სკვერების, ეზოებისა და სპორტული მოედნების კეთილმოწყობა. 2023 წლისათვის ნავარაუდევია 5 სპორტული მოედნის რეაბილიტაცია და 2 ახალი სპორტული მოედნის მშენებლობა, რისთვისაც საჭირო იქნება დაახლოებით 500,0 ათ. ლარამდე. საზოგადოებრივი სივრცეების მოწყობა-რეაბილიტაცია და ექსპლუატაციის ხარჯები გათვალისწინებულია 200,0 ათ. ლარით, რაც საკმარისია მხოლოდ 2-3 ეზოს მოსაწყობად.
5. ქალაქ ფოთის მუნიციპალიტეტის საკრებულოს კაპიტალური სარემონტო სამუშაოებისათვის გათვალისწინებულ იქნას 300,0 ათასი ლარი
6. მ/საცხოვრებელი სახლების სარდაფების მოწყობისათვის გათვალისწინებულ იქნას 350,0 ათასი ლარი
7. ტრენაჟორებისა და ატრაქციონების შესაძენად გათვალისწინებულ იქნას 350,0 ათასი ლარი

ა(ა)იპ ქალაქ ფოთის მუნიციპალიტეტის სერვისების ცენტრი

- 2023 წლის ბიუჯეტის პროექტით დაფინანსება შეადგენს - 4490,7 ათ. ლარს
1. ქუჩების სარემონტო სამუშაოები - 423,3 ათ. ლარი.
დამატებით სჭირდება 129,0 ათ. ლარი (მასალები, ღორღი, დაგრეიდერება).
 2. გარე განათების ქსელის მოვლა-პატრონობა - 162,1 ათ. ლარი
დამატებით სჭირდება 43,0 ათ. ლარი (სანათი საშუალებების შექმნა, მოვლა-პატრონობა უნდა განახორციელოს სერვისების ცენტრმა, რადგან სამწლიანი საგარანტიო პერიოდი დასრულდა).
 3. სანიაღვრე არხებისა და სატუმბო სადგურების მოვლა-პატრონობა - 770,1 ათ. ლარი .
დამატებით სჭირდება 109,0 ათ. ლარი (იჯარა და მასალები).
 4. სერვისების ცენტრის ხელშეწყობა - 385,3 ათ. ლარი.
დამატებით სჭირდება 18,0 ათ. ლარი, 12,0 ათ. ლარი - საწვავი ადმინისტრაციის - 6,0 ათ. ლარი, საბუღალტრო პროგრამები .
 5. დასუფთავება და ნარჩენების გატანა - 1624,3 ათ. ლარი
დამატებით სჭირდება 108,0 ათ. ლარი, 80,0 ათ. ლარი - საწვავი (2 მანქანა ემატება), 28,0 ათ. ლარი ინვენტარი.
 6. დასუფთავების მოსაკრებლის ადმინისტრირება - 125,4 ათ. ლარი.
 7. გამწვანებული ტერიტორიების მოვლა-პატრონობა - 550,0 ათ. ლარი.
დამატებით სჭირდება 38,0 ათ. ლარი, საწვავი და სათიბი საშუალებები.
 8. უმეთვალყურეოდ დარჩენილი ცხოველების იზოლაცია - 155,3 ათ. ლარი
დამატებით სჭირდება 93,3 ათ. ლარი, ხელფასები, საწვავი, ძაღლების იზოლაცია - გადაყვანა

შესაბამისი ფინანსური რესურსების არსებობის შემთხვევაში თანხები მიმართული იქნეს ინფრასტრუქტურული საკითხების გადასაწყვეტად.

ზემოაღნიშნულიდან გამომდინარე კომისიამ მიზანშეწონილად მიიჩნია დამატებითი შესწავლის და სრულყოფილად განხილვის მიზნით დადგენილების პროექტი „ქალაქ ფოთის მუნიციპალიტეტის 2023 წლის ბიუჯეტის დამტკიცების შესახებ“ დაუბრუნდეს ქალაქ ფოთის მუნიციპალიტეტის მერს.

კომისიის თავმჯდომარე

ბ. ბუბუაძე

ბექა მორჩილაძე

საქართველო

ქალაქ ფოთის მუნიციპალიტეტის საკრებულო
ქონების მართვისა და ბუნებრივი რესურსების საკითხების კომისია

№11/44

24 ნოემბერი 2022 წელი

დასკვნა

ქალაქ ფოთის მუნიციპალიტეტის საკრებულოს ქონების მართვისა და ბუნებრივი რესურსების საკითხების კომისიამ განიხილა ქალაქ ფოთის მუნიციპალიტეტის მერის მიერ წარმოდგენილი საკრებულოს დადგენილების პროექტი „ქალაქ ფოთის მუნიციპალიტეტის 2023 წლის ბიუჯეტის დამტკიცების შესახებ“.

კომისიას ქონებისა და ბუნებრივი რესურსების კუთხით დადგენილების პროექტში შენიშვნები არ გააჩნია

კომისიის თავმჯდომარე



თორნიკე ხარჩილავა

ქალაქ ფოთის მუნიციპალიტეტის საკრებულო სოციალურ საკითხთა კომისია

№ 09

24.11.2022 წელი

დასკვნა

ქალაქ ფოთის მუნიციპალიტეტის საკრებულოს სოციალურ საკითხთა კომისიამ განიხილა საკრებულოს დადგენილების პროექტი „ქალაქ ფოთის მუნიციპალიტეტის 2023 წლის ბიუჯეტის დამტკიცების შესახებ“ (შემდგომში - ბიუჯეტის პროექტი).

კომისიას წარმოდგენილ დადგენილებას პროექტთან დაკავშირებით, გააჩნია შემდეგი შენიშვნები (რეკომენდაცია):

1. მიზანშეწონილად მიგვაჩნია არსებული ფინანსური რესურსის ფარგლებში, ბიუჯეტის პროექტის ქვეპროგრამას (**მოსახლეობის სტაციონარული მკურნალობა, ქვეპროგრამის კოდი: 06 02 01**) დაემატოს 50 000 ათასი ლარი, ვინაიდან, 2022 წლის ბიუჯეტში აღნიშნულ ქვეპროგრამაში უკვე გახარჯულია დაახლოებით 472 000 ათასი ლარი, როგორც არსებული პრაქტიკა აჩვენებს 350 000 ლარი არ არის საკმარისი ქვეპროგრამის სრულყოფილად განხორციელებისთვის.
2. ბიუჯეტის პროექტის ქვეპროგრამაში (**მოსახლეობის სტაციონარული მკურნალობა, ქვეპროგრამის კოდი: 06 02 01**) შევიდეს ცვლილება, კერძოდ: წინადადება „იმ შემთხვევაში თუ გასაწევი სამედიცინო მომსახურების ხარჯი არ აღემატება 300 (სამასი) ლარს, დაფინანსება განხორციელდება 100%-ით“, შეიცვალოს შემდეგი წინადადებით „იმ შემთხვევაში თუ გასაწევი სამედიცინო მომსახურების ხარჯი არ აღემატება 300 (სამასი) ლარს, დაფინანსება განხორციელდება 100%-მდე“, ვინაიდან, მერს და სამუშაო ჯგუფს ქონდეს საშუალება ბენეფიციარის სოციალურ - ეკონომიკურ მდგომარეობიდან გამომდინარე, განსაზღვროს ბენეფიციარის დაფინანსების ოდენობა.
3. არსებული ფინანსური რესურსი ფარგლებში, ბიუჯეტის პროექტის ქვეპროგრამაში (**სოციალური მომსახურების ცენტრის ხელშეწყობა, პროგრამული კოდი: 06 07**) შევიდეს ცვლილებები, კერძოდ, ქვეპროგრამით დაფინანსდეს:
 - ა) პერსონალური ასისტენტი შშმ პირებისთვის- მედდა;
 - ბ) გამცილებელი უსინათლო პირებისათვის;
 - გ) სმენა დაქვეითებული ოჯახის წევრების მოთხოვნის საფუძველზე, ოჯახის წევრებისთვის ჟესტების ენის სწავლება.
4. არსებული ფინანსური რესურსის ფარგლებში, ბიუჯეტის პროექტის, ქვეპროგრამაში (**გენდერული თანასწორობის ხელშეწყობის პროგრამა- პროგრამული კოდი-06 04 21**) გაიზარდოს პროგრამის დაფინანსება 5 000 ლარით.
5. არსებული ფინანსური რესურსის ფარგლებში, ბიუჯეტის პროექტში გათვალისწინებულ იქნას ა(ა)იპ „ქალაქ ფოთის მუნიციპალიტეტის მოსწავლე-ახალგაზრდობის შემოქმედების ცენტრის“ შენობის პირველ სართულზე ახალგაზრდული სივრცის მოწყობა.

6. არსებული ფინანსური რესურსის ფარგლებში, ბიუჯეტის პროექტში გათვალისწინებულ იქნას ღია სივრცეებში კულტურული ღონისძიებების ჩასატარებლად სცენის, გახმოვანების, განათების და ეკრანის შეძენის დაფინანსება.
7. არსებული ფინანსური რესურსის ფარგლებში, ბიუჯეტის პროექტის, ქვეპროგრამაში (შშმ ბავშვთა რეაბილიტაციის დაფინანსება, პროგრამული კოდი-06 02 05) გაიზარდოს შეზღუდული შესაძლებლობის მქონე ბავშვების დაფინანსება 800 (რვაასი) ლარამდე.

სოციალური კომისიის თავმჯდომარე



ნანა ვეკუა

ს ა ქ ა რ თ ვ ე ლ ო

ქალაქ ფოთის მუნიციპალიტეტის საკრებულო

იურიდიულ, სამანდატო, საპროცედურო საკითხთა და ეთიკის კომისია

N10/1

24 ნოემბერი, 2022 წელი

დასკვნა

ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიამ განიხილა ქალაქ ფოთის მუნიციპალიტეტის მერის მიერ წარმოდგენილი საკრებულოს დადგენილების პროექტი „ქალაქ ფოთის მუნიციპალიტეტის 2023 წლის ბიუჯეტის დამტკიცების შესახებ“.

ზემოხსენებულ საკითხთან დაკავშირებით კომისიამ დაადგინა:


საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-2 პუნქტის „ა“ ქვეპუნქტის, 24-ე მუხლის პირველი პუნქტის „დ.ა“ ქვეპუნქტის, 54-ე მუხლის პირველი პუნქტის „გ.ა“ ქვეპუნქტის, საქართველოს კანონის „საქართველოს საბიუჯეტო კოდექსის“ 77-ე და 78-ე მუხლების შესაბამისად, საკრებულო უფლებამოსილია მიიღოს დადგენილების პროექტი „ქალაქ ფოთის მუნიციპალიტეტის 2023 წლის ბიუჯეტის დამტკიცების შესახებ“.

კომისიას დადგენილების პროექტთან დაკავშირებით სამართლებრივი შენიშვნა არ გააჩნია.

რაც შეეხება ქალაქ ფოთის მუნიციპალიტეტის მერის მიერ წარმოდგენილი საკრებულოს სამართლებრივი აქტის პროექტის დასაბუთებასა და მიზანშეწონილობას, აღნიშნულ საკითხთან დაკავშირებით პასუხისმგებლობა ეკისრება პროექტის ავტორს.

იურიდიულ, სამანდატო, საპროცედურო

საკითხთა და ეთიკის კომისიის თავმჯდომარე



ნიკა კორშია

საქართველო

ქალაქ ფოთის მუნიციპალიტეტის საკრებულო ფრაქცია „ქართული ოცნება - დემოკრატიული საქართველო“

N14/1

22 ნოემბერი, 2022 წელი.

დასკვნა

ქალაქ ფოთის მუნიციპალიტეტის საკრებულოს ფრაქციამ „ქართული ოცნება - დემოკრატიული საქართველო“ განიხილა ქალაქ ფოთის მუნიციპალიტეტის მერის მიერ წარმოდგენილი საკრებულოს დადგენილების პროექტი „ქალაქ ფოთის მუნიციპალიტეტის 2023 წლის ბიუჯეტის დამტკიცების შესახებ“.

ფრაქცია მხარს უჭერს წარმოდგენილი საკრებულოს დადგენილების პროექტს „ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ“ შემდეგი შენიშვნების (რეკომენდაცია) გათვალისწინებით:


ფრაქცია „ქართული ოცნება - დემოკრატიული საქართველო“ მიზანშეწონილად მიაჩნია: კერძოდ,

1. საქართველოს საბიუჯეტო კოდექსის 78-ე მუხლის მე-3 ნაწილის საფუძველზე, ქალაქ ფოთის მუნიციპალიტეტის მერს ეთხოვოს, არსებული ფინანსური რესურსების ფარგლებში, კორექტირება შეიტანოს ქალაქ ფოთის მუნიციპალიტეტის 2023 წლის ბიუჯეტის პროექტში, მათ შორის მსოფლიოში და საქართველოში მიმდინარე სოციალურ-ეკონომიკურ პროცესებთან დაკავშირებით, გაიზარდოს მუნიციპალიტეტის დაფინანსებაზე მყოფი არასამეწარმეო (არაკომერციული) იურიდიულ პირებში დასაქმებულების შრომის ანაზღაურება.
2. არსებული ფინანსური რესურსების ფარგლებში, ქალაქში განვითარებულ და მოწესრიგებულ იქნას საგზაო ინფრასტრუქტურა.
3. არსებული ფინანსური რესურსების ფარგლებში, ბიუჯეტის პროექტში გათვალისწინებულ იქნას მრავალსართულიანი საცხოვრებელი სახლების საკანალიზაციო ქსელის მოწყობა და სარდაფების მოხრეშვისათვის საჭირო თანხები.
4. არსებული ფინანსური რესურსების ფარგლებში, ბიუჯეტის პროექტში გათვალისწინებულ იქნას სავარჯიშო ტრენაჟორებისა და ატრაქციონების შესაძენად საჭირო თანხები.

ამდენად, ქალაქ ფოთის მუნიციპალიტეტის საკრებულოს ფრაქცია „ქართული ოცნება-დემოკრატიული საქართველო“ მიზანშეწონილად მიაჩნია ზემოხსენებული შენიშვნების (რეკომენდაცია) გათვალისწინების მიზნით საკრებულოს დადგენილების პროექტი „ქალაქ ფოთის მუნიციპალიტეტის 2023 წლის ბიუჯეტის დამტკიცების შესახებ“ დაუბრუნდეს ქალაქ ფოთის მუნიციპალიტეტის მერს.

ფრაქცია „ქართული ოცნება - დემოკრატიული
საქართველო“ თავმჯდომარე

სანდრო ქუმაშვილი



საქართველო

ქალაქ ფოთის მუნიციპალიტეტის საკრებულო
ფოთი „საქართველოსთვის“ ფრაქციის სხდომის

დასკვნა

24 ნოემბერი 2022 წელი.

#4/1

ქალაქ ფოთის მუნიციპალიტეტის საკრებულოს ფოთი „საქართველოსთვის“ ფრაქციის სხდომამ განიხილა საკრებულოს დადგენილების პროექტი. „ქალაქ ფოთის მუნიციპალიტეტის 2023 წლის ბიუჯეტის პროექტის შესახებ“.

ფრაქციას პროექტთან დაკავშირებით გააჩნია შემდეგი შენიშვნები.

კერძოდ:

1. კულტურული ღონისძიებები, პროგრამული კოდით 05.02.02. დაემატოს 40.0 (ათასი) ლარი საერთაშორისო ფესტივალის ჩასატარებლად.
2. ფოლკლორის ცენტრს, პროგრამული კოდი 05.02.01.04. ფოლკლორული ღონისძიებებისათვის დაემატოს 30.0 (ათასი) ლარი.
3. დაემატოს, მოსახლეობისათვის შეშის უზრუნველყოფა. პროგრამული კოდი 06.04.23.
4. განვითარების ეტაპების დაყოვნების დიაგნოზის (R-62.0) მქონე ბავშვების დაფინანსება გაიზარდოს 700 ლარიდან 1350 ლარამდე. პროგრამული კოდი 06.02.05.
5. მოსწავლე ახალგაზრდობის ცენტრის ტექნიკით (კომპიუტერებით) უზრუნველყოფისთვის დაემატოს 5000 ლარი, პროგრამული კოდი 05.02.01.03.
6. დაფინანსდეს ქალაქ ფოთის მუნიციპალიტეტის მერიასთან არსებული სიმღერისა და ცეკვის მუნიციპალური ანსამბლი, 250.0 (ათასი) ლარით.

ზემოთ აღნიშნულიდან გამომდინარე, ფრაქცია ფოთი „საქართველოსთვის“ სხდომამ მიზანშეწონილად დამატებითი შესწავლის და ზემოაღნიშნული შენიშვნების გათვალისწინების მიზნით, პროექტი 2023 წლის ბიუჯეტის დამტკიცების შესახებ დაუბრუნდეს ქალაქ ფოთის მუნიციპალიტეტის მერს.

ფრაქცია „ფოთი საქართველოსთვის“

თავმჯდომარე



გიგლა თურქია

ქალაქ ფოთის მუნიციპალიტეტის საკრებულო

ფრაქცია „ერთიანი ნაციონალური მოძრაობა“

ქალაქ ფოთის მუნიციპალიტეტის საკრებულოს ფრაქცია „ერთიანი ნაციონალური მოძრაობა“-მ განიხილა საკრებულოს დადგენილების პროექტი „ქალაქ ფოთის მუნიციპალიტეტის 2023 წლის ბიუჯეტის დამტკიცების შესახებ“.

ფრაქციას წარმოდგენილ პროექტთან დაკავშირებით გააჩნია შემდეგი შენიშვნები და მიაჩნია, რომ ქვემოთჩამოთვლილი შენიშვნები „ქალაქ ფოთის მუნიციპალიტეტის 2023 წლის ბიუჯეტში“ უნდა იქნეს გათვალისწინებული:

ქალაქ ფოთში კაცადის ქ. #30-ში საცხოვრებელი ბინის გამაგრებისა და რეაბილიტაციის სამუშაოების ჩატარება. (აღნიშნულ შენობასთან დაკავშირებით არსებობს სამხარაულის სახელობის ექსპერტიზის დასკვნა, სადაც გარკვევით წერია რომ აღნიშნული შენობა წარმოადგენს საფრთხეს იქ მცხოვრები მოსახლეობისათვის,)

ქალაქ ფოთში მოწერელიას ქ. ე.წ. „კურკოვსკის ბაღის“ საცხოვრებელი ბინის რეაბილიტაციისა და შენობის გადახურვის სამუშაოების ჩატარება. (სახურავი გახლავთ ავარიულ მდგომარეობაში და არის მაღალი რისკი იმისა რომ ძლიერი ქარის პირობებში სახურავი მთლიანად მოწყდეს შენობას, რამაც შეიძლება გამოიწვიოს უბედური შემთხვევა.)

კ. გამსახურდიას, ზ. გამსახურდიას, ლოლუას, კონსტიტუციის, მზარელუას ქუჩების გზის სარეაბილიტაციო სამუშაოების ჩატარება.

მდინარე კაპარჭაზე გადასასვლელი ხიდების რეაბილიტაცია. (გარდა იმისა რომ კოლინბარის კუნძულზე ცხოვრობენ ოჯახები, ადგილობრივი მოსახლეობისათვის ზემოთხსენებული ხიდების არსებობა მნიშვნელოვანია როგორც პალიასტომის ტბაზე თევზის რეწვის განხორციელებისათვის, ასევე მესაქონლეობისათვის.)

საბავშვო მოედნების რეაბილიტაცია. (გარკვეული ნაწილი საბავშვო მოედნების იმყოფება ამორტიზირებულ მდგომარეობაში და ბავშვების უსაფრთხოებიდან გამომდინარე მიზანშეწონილად მიგვაჩნია მათი რეაბილიტაცია).

რეკავას ქუჩაზე მდებარე ავარიული შენობის დემონტაჟი. (არაეთხელ გამოცხადდა აუქციონი აღნიშნული ქონების გასხვისებასთან დაკავშირებით, მაგრამ მაღალი საბაზრო ფასის გამო მისი გასხვისება არ ხერხდება, არსებული შენობა საფრთხეს უქმნის ადგილობრივ მოსახლეობას).

სოციალური სახლის მშენებლობის პროექტირება. (ქალაქის ტერიტორიაზე არის რამოდენიმე კომპაქტური დასახლება, სადაც ცხოვრობენ უსახლკარო ოჯახები, რომლებსაც არ გააჩნიათ საცხოვრებელი ფართი. არსებული ლოკაციები არ აკმაყოფილებს ადამიანისთვის საჭირო ელემენტარულ პირობებს, რაც სიცოცხლისთვის საფრთხის შემცველია. აგრეთვე, როგორც ჩვენთვის ცნობილი გახდა იგეგმება მათი იძულებითი გამოსახლება, რაც კიდევ უფრო დაამძიმებს მათ ყოფას.)

სოციალურ პაკეტში დამატებულ იქნეს პროგრამა „ერთჯერადი მატერიალური დახმარება“. (მოსახლეობის დიდ ნაწილს არ გააჩნია საშუალება პირველადი მოთხოვნილების საგნების შესაძენად. არსებული პროგრამა საშუალებას მისცემს მძიმე სოციალურ ყოფაში მყოფ ოჯახებს დროებით მოიგვარონ ელემენტარული პირობები).

ქალაქ ფოთის საკრებულოს ფრაქცია „ერთიანი ნაციონალური მოძრაობა“-ს მიაჩნია, რომ დადგენილების პროექტი „ქალაქ ფოთის მუნიციპალიტეტის 2023 წლის ბიუჯეტის დამტკიცების შესახებ“ უნდა დაუბრუნდეს ქალაქ ფოთის მუნიციპალიტეტის მერს ზემოთაღნიშნული შენიშვნების ბიუჯეტის პროექტში გათვალისწინების მიზნით.

ფრაქცია „ერთიანი ნაციონალური მოძრაობა“

